

مارننگ گو جری نیوز بلیٹن مو رخہ 29 نومبر 2025

یوہ آکا شوانی جموں ہے محمد اکرم چودھری تیں خبر سُنو۔

LG Ravi Samelan

لیفٹنٹ گورنر منوجسنا نے جمعہ آلے تیہاڑے شاعراں رتے ادیبیاں ور زور پا یو ہے کہ وے اتحاد نانہ فروغ دیں، اور وادی کشمیر مانہ نوجواناں نانہ گمراہ کرن غی علیحدگی پسندانہ کوششاں غو مقابلو کریں۔ جموں یونیورسٹی مانہ پاور گریڈ غے زیر اہتمام اک شاعری سمیلن نال خطاب کرتاں واں اُنہاں نے کہیو کہ ادب قوم غی تعمیر اور سماجی ہم آہنگی نانہ مضبوط بنان مانہ اہم کردار ادا کرے۔ جناب سنا نے ہم آہنگی اور قومی طاقت واسطے علاقائی ادب نانہ فروغ دین ور زور پایو۔ اُنہاں نے مزید کہیو کہ فن، ثقافت اور شاعری جمہوری اقدار نانہ پروان چڑاویں اور سماج مانہ بدلائو واسطے کم کریں۔ اُنہاں نے جموں و کشمیر مانہ ثقافتی ورثہ نانہ زندہ کرن غی کوششاں ور وی لو کھلی۔ ہندی غا مشہور شاعر کمار وشواس نے وی سمیلن مانہ شرکت کی، اور جموں و کشمیر نانہ اک بھر پور ثقافتی ورثہ اور روحانی اہمیت غی سرزمین قرار دتو۔ اُنہاں نے کہیو کہ عظیم علمائ اور صوفی روایات غی تاریخ شاعراں اور فنکاراں نانہ متاثر کرے۔

CM Reservation

وزیر اعلیٰ عمر عبداللہ غو کہنو ہے کہ کا بینہ جلد ہی ملازمتاں غا تحفظ نانہ معقول بنان واسطے تجویز ور تبادلہ خیال کرے گی۔ اُنہاں نے میٹنگ غی کوئی تاریخ نہیں دسی ہے، لیکن کہیو ہے کہ حکومت نے ہر طرح غی پیچیدگیاں تیں بچن واسطے جابطہ اخلاق اور انتخابات ختم ہون غو انتظار کیو ہے۔ اُنہاں نے کہیو ہے کہ متعلقہ وزیر اس با رے تجویز نانہ پیش کریں گاجد کابینہ غی اگلی میٹنگ وے گی۔ وزیر اعلیٰ نیشنل کا نفرنس غی دو روزہ ورکینگ کمیٹی غا اجلاس غے بعد گل کر رہیا تھا، جس مانہ تنظیم غا سینئر لیڈران نے شرکت کی۔

Awantipura Hideout

سلامتی دستاں نے کل پلوامہ ضلع مانہ جیش محمد تنظیم غو پردو فاش کیو اور دہشت گرداں غی حمایت مانہ دہشت گرداں غا ساتھی نانہ گرفتار کیو ہے۔ اونتی پورہ پولیس نے سماجی میڈیا غی سائٹ ایکس ور اک پوسٹ مانہ دسیو ہے کہ ننیر مدورہ غے نیڑے کی گئی تلاشی کا روائی مانہ 42 راشٹریہ رائفل تے سی آر پی ایف غی 180 ویں بٹالین نے اک مخصوص سولین ور تلاشی کا روائی شروع کی تھی، جس مانہ جیش محمد نال منسلک اک دہشت گرداں غا ساتھی نانہ حراست مانہ لیو گیو ہے، جس غو ناں نذیر احمد گنئی دسیو گیو ہے۔ پولیس نے دسیو ہے جے اُس کا قبضہ توں 2 گرنیڈ، 1 ڈیٹو نیٹر تے دوجو دھماکہ خیز مواد وی قبضہ مانہ لیو گیو ہے تے اس سلاہ مانہ مزید تحقیق اجوں جاری ہے۔

PM Mann Ki Baat

وزیر اعظم نریندر مودی پلک سویرے 11 بجے آکاشوانی ور من کی بات پروگرام غے ذریعے ملک تے بیرون ملک رہن آلا بھارتی شہریاں سنگ اپنا خیالات سانجھا کریں گا۔ ماہانہ وار ریڈیو پروگرام غی باہ 128 ویں قسط وے گی۔ یوہ پروگرام آکاشوانی تے دور درشن غا تمام نیٹ ورکاں، اے آئی آر نیوز ویب سائٹ تے نیوز آن آئر موبائل ایپ ور نشر کیو جائے گو۔ اس تیں علاوہ یوہ پروگرام اے آئی آر نیوز، ڈی ڈی نیوز، پی ایم او تے اطلاعات و نشریات وزارت گا یوٹیوب چینلاں ور وی نشر کیو جائے گو۔ ہندی نشریات غے فوراً بعد اس پروگرام نانہ علا قائی زبانان مانہ نشر کیو جائے گو۔

Satish Broad Sand

اطلاعات و تکنیک بارے وزیر ستیش شرمانے مرکز غے زیر انتظام علاقہ مانہ براڈ بینڈ نیٹ ورک نانہ بدھان تے ڈیجیٹل بنیادی ڈھانچہ نانہ مضبوط بنان ور زور پایو ہے۔ انہاں نے قومی برآد بینڈ مشن غا ڈیٹی دائریکٹر جنرل غے نال میٹنگ مانہ گل بات کرتاں واں انہاں نے وی لرننگ، ٹیلی میڈیسن تے ڈیجیٹل طریقہ نال ہنر سیکھن اور انتظامیہ نانہ فروغ دین واسطے شہری تے دور دراز علاقان مانہ تیز رفتار انٹرنیٹ تک رسائی ور زور پایو۔ انہاں نے آئی ٹی محکمہ اور ٹیلی کمیونیکیشن محکمہ غے درمیان رابطہ کاری ور وی زور پایو، تاکہ رکاوٹاں نانہ دور کیو جا سکے اور ٹیلی کام منصوباں واسطے اجازتاں نانہ ہموار کیو جا سکے۔

CS Drug Abuse

چیف سیکریٹری اتل ڈلو نے نیتی آیوگ غا رکن ڈاکٹر وے کے پال نال اعلیٰ سطح مشاورت کی ہے تانجے جموں کشمیر مانہ منشیات غی بدعت غے خلاف اک موثر حکمت عملی تیار کی جا سکے۔ اس میٹنگ مانہ ایمر دہلی، پی جی آئی چندی گڑھ تے جموں کشمیر صحت محکمہ غا افسران نے شرکت کی جس مانہ نفاذ، رہنمائی، علاج، باز آباد کاری تے عوامی شمولیت جیسا معاملات ور توجہ مرکوز کی گئی۔ ڈاکٹر پال نے جموں کشمیر گا مجموعی نظریہ غی تعریف کرتاں واں ہماچل پردیش غی طرز ور جموں کشمیر مانہ وی اس نانہ اپنان غی صلاح دتی۔

اس غے نال ہی خبراں غو یوہ بلیٹن ختم ہوؤ۔